

鄖陽府

禹貢荆梁二州之界職方爾雅漢南屬荊州漢北當爲豫雍界周爲絞麋庸三國地春秋桓十一年傳隨絞辨蓼伐楚後人言絞國在府西北文十一年楚成大心敗麋師於防渚又潘崇伐麋至於錫穴杜預以防渚錫穴皆麋國地闕駟言防卽防陵卽漢之房陵縣今房縣也錫穴卽漢之錫縣今鄖縣西漢水南岸有錫穴山是也又文十六年庸人率羣蠻叛楚杜注庸上庸縣今竹山竹谿二縣地皆是盧戡黎所及之方城在今竹山縣東四十五里後皆爲楚地戰國地屬秦楚有上庸房陵楚靳尚謂秦將以上庸六縣易張儀秦昭襄二年與楚上庸又三十四年秦與韓魏上庸地秦始皇徙趙王遷房陵是也秦屬漢中郡漢

光緒湖北輿地記二十三

一

爲長利錫房陵武陵上庸五縣地均屬漢中郡後漢省長利縣入錫省武陵縣入上庸遂爲錫房陵上庸三縣地仍屬漢中郡兩漢漢中皆屬益州部漢末以房陵縣置房陵郡以上庸縣置上庸郡建安二十四年劉先主遣孟達攻房陵殺房陵太守蒯祺又遣劉封攻上庸上庸太守申耽降地遂爲蜀有明年孟達以其地降魏魏黃初中改房陵郡爲新城郡治房陵分房陵縣置綏陽昌魏沔鄉三縣尋改綏陽縣曰秭歸縣又分上庸郡所治之上庸縣置安富北巫二縣復漢武陵縣分武陵置建始縣均屬上庸郡又改漢建安中分漢中郡所置之西城郡爲魏興郡以漢之錫縣屬之又分錫置平陽縣亦屬魏興太和二年以錫縣立錫郡景初元年省錫郡仍以錫屬魏興於是府境爲魏興郡所領之錫平陽二縣爲新城郡所領之房陵秭歸昌魏沔

鄉四縣爲上庸郡所領之上庸安富北巫武陵建始五縣凡十一縣三郡均屬荊州晉大康元年改平陽縣爲晉興縣二年復秭歸縣曰綏陽縣四年析錫縣復漢長利縣改建始縣爲微陽縣於是魏興郡領六縣在府境爲晉興錫長利三縣上庸郡領六縣在府境爲上庸安富北巫武陵微陽五縣新城郡領房陵綏陽晉書地志誤作綏陽昌魏沔鄉四縣均在府境而晉興上庸房陵三縣皆爲郡治二郡均屬荊州大康五年又改長利縣爲鄖鄉縣仍屬魏興桓溫平蜀以巴漢流人立晉昌郡所領有吉陽東關二縣亦在府之西境宋魏興郡領十三縣在府境爲鄖鄉興晉錫三縣興晉卽晉興也廢晉昌郡立新興郡領吉陽東關二縣新城郡領房陵綏陽昌魏沔陽樂平六縣沔鄉卽沔鄉閬陽樂平二縣史不注置立要當在今府境上庸郡領上庸安富

北巫微陽武陵新安吉陽七縣新安不詳分何縣置當在府境吉陽當卽分新興郡之吉陽置永初郡國云北吉陽或在新興郡吉陽之北又分錫北境置北上洛縣北上洛郡治之北上洛郡領七縣惟北上洛在府境於是府境有五郡地得三全郡而吉陽房陵上庸北上洛均爲郡治五郡均屬梁州齊分魏興郡東境并上庸郡北境之安富縣置齊興郡又分鄖鄉縣置齊興縣爲齊興郡治領六縣在府境爲齊興安昌鄖鄉錫安富五縣安昌縣不知分何縣置其地在府境耳魏興郡在府竟爲興晉一縣新興郡仍領吉陽東關二縣新城郡改爲南新城郡仍領房陵綏陽昌魏沔鄉陽樂平六縣上庸郡又分置齊安新豐二縣均在府境於是上庸郡領九縣在府境爲上庸武陵齊安北巫微陽新安吉陽新豐八縣又爲北上洛郡之上洛縣卽宋

縣去北字耳府境有五郡地而齊興

宋白曰齊永平七年置齊興郡治鄆鄉齊興縣屬焉

然蕭子顯齊志齊興郡治齊興縣今從之

吉陽房陵上庸上洛五縣皆爲郡治五郡

均屬梁州梁建置可考者太清元年於梁州齊興郡置興州改

齊興郡爲南始平郡後復改爲齊興州郡均治鄆鄉所領在府

境者爲鄆鄉齊興二縣又爲廣福郡領廣福一縣當分齊興置

爲新興郡領吉陽一縣廣福新興均屬興州爲南梁州魏興郡

所領興晉縣又置鄆州所領郡縣無考又於北上洛郡置南洛

州領上津一郡郡領上津一縣又置岐州領新城上庸二郡新

城郡領房陵祁鄉二縣上庸郡領安城武陵新豐三縣又置綏

州領綏陽一縣侯景之亂地入西魏魏廢帝改梁興州爲豐州

所領在府境爲齊興安富廣福三郡齊興郡所領在府境爲鄆

鄉一縣廣福郡領廣福一縣又廢梁岐州立光遷國屬東梁州

以綏州領新城郡郡領房陵太洪二縣太洪卽梁祁鄉改梁南

洛州曰上州領上津郡郡領上津漫川開化三縣漫川開化當

分上津縣置又改安城縣曰竹山立羅州治之改新豐縣曰上

庸屬羅州周改光遷國曰遷州改新城郡曰光遷郡房陵縣曰

光遷縣太洪縣曰永清縣省漫川開化二縣入上津改上庸縣

曰孔陽縣隋開皇初廢廣福郡廢綏州廢光遷郡十八年改羅

州曰房州復改孔陽縣爲上庸縣仁壽初改廣福縣曰安福縣

大業初廢上州房州又改遷州曰房州於光遷縣置房陵郡於

是在府境之鄆鄉安福二縣屬淅陽郡上津縣屬上洛郡房陵

郡治光遷領光遷永清竹山上庸四縣淅陽上洛屬豫州房陵

屬梁州鄆鄉縣爲舊縣梁置興州鄆州魏置豐州安福縣爲齊

之齊興縣梁之齊興廣福二縣魏之廣福縣其上津縣爲宋齊

之上洛錫興晉三縣梁之興晉上津二縣魏之上州上津漫川
開化三縣周之上津縣其光遷縣爲宋齊之房陵綏陽昌魏三
縣梁之岐州綏州房陵綏陽二縣魏之光遷國綏州房陵縣周
之遷州綏州光遷縣其永清縣爲宋齊梁之祁鄉縣魏之大洪
縣周之永清縣其竹山縣爲宋齊之上庸微陽安富三縣梁之
安城縣魏周之羅州竹山縣及安富郡其上庸縣爲宋之武陵
吉陽東關三縣齊之新豐武陵吉陽東關四縣梁之新豐武陵
吉陽三縣魏之上庸縣周之孔陽縣義甯二年於上津縣置上
津郡唐武德元年置南豐州領郎鄉安福堵陽三縣堵陽當分
郎鄉置又改上津郡爲上州領上津豐利黃土長利四縣長利
當分郎鄉置其豐利黃土不在府境改房陵郡爲遷州領光遷
永清受陽浙川房陵五縣受陽分竹山縣之故微陽地置房陵

光緒湖北輿地記二十三

四

分光遷置浙川不在府境又於竹山縣置房州領竹山上庸武
陵三縣武陵分上庸縣之故武陵地置七年又廢房陵入光遷
廢受陽入竹山八年廢南豐州以郎鄉堵陽安福屬均州義甯二年
割淅陽郡之武當浙陽二縣置武當郡武德元年改爲均州貞觀初省長利堵陽安福三縣
並入郎鄉廢均州以郎鄉屬浙州八年廢浙州復以武當郎鄉
置均州又廢上州以上津縣屬商州武德元年改上洛郡爲商州十年省武
陵縣入上庸縣改光遷縣爲房陵縣廢遷州自竹山徙房州治
於房陵天寶元年改均州爲武當郡商州爲上洛郡房州爲房
陵郡乾元元年復爲均州商州房州於是均州治武當領三縣
在府境爲郎鄉一縣商州治上洛領六縣在府境爲上津一縣
房州治房陵領房陵永清竹山上庸四縣均在府境均房二州
屬山南東道商州屬山南西道新志商州屬關內道蓋後改五代梁唐晉漢

周均有其地宋開寶中廢上庸縣入竹山縣廢永清縣入房陵縣房州僅領房陵竹山二縣於是府境爲均州之鄖鄉縣商州之上津縣房州之房陵竹山二縣雍熙三年於房州立保康軍節度均房二州屬京西南路商州屬陝西永興路紹興中房州保康軍屬利州路後改爲保甯軍宋末省上津縣入鄖鄉景定以後鄖鄉遷徙無定所至元十四年復於鄖鄉地改置鄖縣十九年以均州房州隸襄陽路於是均州領武當鄖二縣在府境爲鄖縣房州領房陵竹山二縣均在府境而襄陽路則隸於河南江北等處行中書省明洪武初分鄖縣故上津縣地置上津縣屬襄陽府十年又省上津入鄖省房陵縣入房州治旋降州爲縣仍屬襄陽府省竹山縣入房縣十三年復上津竹山二縣均屬襄陽府成化十二年分襄陽府置鄖陽府治鄖縣分鄖縣

之南門保留鄖西縣分竹山縣之尹店巡檢置竹谿縣竹谿卽隋唐上庸縣故地也至是鄖房竹山竹谿上津鄖西六縣均屬鄖陽府宏治十年又分房縣之潭頭坪置保康縣屬鄖陽府保康卽永清縣故地也鄖陽府遂領七縣隸湖廣布政司 國朝順治十六年省上津縣入鄖西縣康熙三年分湖廣布政司爲湖北布政司鄖陽府治鄖縣領鄖房竹山竹谿鄖西保康六縣隸湖北布政司於是鄖陽府治鄖縣城踞漢水北岸縣境跨漢水南北在府西漢水北者爲鄖西在府南者爲房縣在府東南者爲保康在府西南者爲竹山爲竹谿四縣均在漢南幅員南北四百里東西形勢中狹如頸其在漢水北者西自湖北口關東至滔水入丹水之口三百四十里其在漢水南者佛泉山滄浪山以南西自雞心嶺東至三關巖三百里佛泉滄浪以北爲

中狹處東西僅一百五十里中狹處卽鄖縣漢南地也府治居近東偏距西南界爲最遠西北界次之東北界與東南界爲最近東至河南浙川廳界一百五十里西至陝西平利縣界五百六十里南至襄陽均州界一百二十里北至陝西商南縣界二百八十里東南至襄陽府穀城縣界四百九十里西南至平利縣界五百六十里東北至浙川廳界一百三十里西北至陝西山陽縣界漢水自西而東中分府竟爲二漢南之地三倍於漢北之地漢水入境處爲仙河南入漢水之口在府西偏北一百八十里爲陝西白河洵陽與鄖西界自仙河口西偏北七十六里曰湖北口關爲陝西洵陽鎮安與鄖西界轉而北偏東四十六里爲陝西鎮安山陽與鄖西界轉而東八十四里爲甲河入境處河東爲漫川關由鄖西上津堡北出山陽路也又東偏北三十里至如來崖亦爲鄖西西北出山陽之路又東四十四里至天河發源處之虎鳴峪爲山陽商南與鄖西界又東偏南

四十六里至城牆堦爲鄖西鄖縣與商南界又東二十四里至石門關又東偏北渡滔水三十六里至荆紫關爲陝西商南河南浙川與鄖縣界至此轉而東南依丹水百里至滔水入丹水之口曰官亭鋪鄖縣東北出浙川之路也又轉而南偏西三十里至馬塘關爲河南浙川襄陽均州與鄖縣界又西南六十六里抵漢水皆鄖縣與均州界此府竟漢北之界也渡漢南曰遠河口遠水入漢處也又南偏西九十五里至分水嶺爲鄖縣房縣與均州界轉而東偏南九十里至瑤峰嶺爲均州穀城與房縣界轉而南偏西六十里至會香觀爲穀城與保康房縣界轉而東南十二里抵粉青河水卽粉水轉而東偏北依粉青河二十八里渡粉青河轉而南偏東五十里至三關巖爲穀城南漳與保康界又南三十里渡深溪河變水上源也又南二十里轉而西三十

八里渡沮水北源又西偏南十里渡沮水南源又西南七八里至雲岐山爲南漳東湖與保康界又西偏南三十里至騎龍壩爲東湖興山與保康界轉而北偏西十里至八里荒保康西南出興山之路也又北偏西十四里至冷盤壩爲興山與保康房縣界轉而西南百二十里至天池壩爲興山巴東與房縣界又西偏南六十里至烏雲頂爲四川巫山與巴東房縣界轉而北偏西五十里至陰條嶺爲巫山與房縣竹山界轉而西南二十里爲四川巫山大甯與竹山竹谿界又南十五里至鳳凰嶺轉而北偏西九十五里至雞心嶺爲四川大甯陝西平利與竹谿界又北七十里至竹葉關又北十里渡柿河又北三十里至秋山卡竹谿西出平利之路也又北十里至關壩子亦出界路也又北十里至銅錢關爲平利洵陽竹谿界亦爲竹谿西北出洵

陽之路轉而東十里至東西蓬爲洵陽與竹谿竹山界又東偏北六十里爲洵陽白河與竹山界又東偏南七十里至吉陽關爲白河與竹山鄖縣界轉而北七十里抵沙溝水口爲白河與鄖縣界西界轉而西偏北泝漢七十里至仙河口皆白河與鄖西界此府境漢南之界也江北河南之幹山自青海東入爲四川甘肅之界曰岷山又東北入甘肅境經岷州隴西甯遠伏羌秦州之南階州禮縣徽縣兩當之北曰嶓冢山又東入陝西境至寶雞南大轍關之西分而爲二其東迤者卽江北河南之正幹其南迤者爲江北漢南之一支府境之山在漢北者實江北河南之正幹所分其勢南迤在漢南者則以江北漢南之支爲府南界其羣山萬壑北赴於漢濱者又其分支也江北河南之正幹自大轍關東迤經郿縣藍屋鄠縣藍田之南佛平甯陝孝

義山陽之北曰大白曰終南曰秦嶺皆隨地異名山北之水入渭山南之水入漢唐之山南道蓋謂此山之南也其分入府境者爲洵水與甲水閒山甲水與丹水閒山自秦嶺洵水發源處分支南池經孝義廳之東又南經鎮安縣之東又東南曰紅崖山入府境紅崖之南仙河水出焉紅崖之東曰十八盤山勢高峻盤折隋書地理志所謂詔及山當卽此山十八盤山之東曰茅山四峪河水出焉又南曰尤槐嶺高橋水出焉又東南曰鐵鶻嶺宋紹興十六年與金人議和割鐵鶻嶺外韋馱坪爲界卽此又南曰嵩山又東南止於金蘭山爲甲水入漢處此洵水與甲水閒支山也以在府境者論之又當爲甲水與仙河閒山蓋山至紅崖始入境而仙河源出紅崖南流入漢也自秦嶺洵水源之東甲水丹水發源處分支南池經山陽縣東又南曰洛峪

又南曰狐嶺又南曰祝山又南曰漫川關又南曰任嶺入府境又東曰如來崖潁河水出焉曰光照山曰牛頭山天河水出焉牛頭山卽虎鳴峪也又東曰瓜子嶺中央河蒿坪河二水出焉又東曰城牆壩入道河水出其西曲遠河水出其東滔水出其北又東南入鄖縣境曰左臺山呂家砦梅子關風火山石雞山雷峰壩白桑關龍門山又東至馬塘關又東南入襄陽府之均州境曰牛頭山西峰山而止於小江口卽丹水入漢處此甲水與丹水閒支山也以在鄖縣境內者論之又當爲滔水與漢水閒山蓋山南之水入漢山北之水入滔滔水又於縣東北界入丹者也由支山所分之小支稍長者爲甲水與天河水閒山天河水與曲遠水閒山而皆出於甲水與丹水閒一支自如來崖南池經絞場關司理關黃龍山天心山而止於錫義山卽水經

注所謂山方圓百里形如城四面有門上有石壇長數十丈者
此甲水與天河水閒一支在鄖西境者也自城牆堙南池經雞
籠山吉星山界牌山而止於青桐關此天河水與曲遠河水閒
一支爲鄖西鄖縣之界者也此府竟漢北之山也江北漢南之
一支自大轍關之西分支南池至畱壩廳北轉而西池經鳳縣
之南又西入甘肅境經徽縣東又南入陝西境經略陽縣東沔
縣西又南經金牛峽五丁關牢固關至甯羌州之南曰城牆崖
轉而東池爲川陝界山又東經四川南江縣北又東爲米倉山
爲巴山所謂孤雲兩角去天一握者又東經陝西西鄉定遠城
口平利之南四川大平開縣大甯之北至雞心嶺川陝鄂三省
交界處也嶺北爲平利堵水出焉嶺南爲大甯鹽水出焉嶺東
卽府境之竹谿也自雞心嶺入府境東南池至冷盤堙卽府南

光緒湖北輿地記二十二

九

界其山之著者在雞心嶺南曰蕭家坡查峪河水出焉又南曰
三王寨山公祖河水出焉又東南曰烏雲頂官渡水西源出焉
又東曰天池堙官渡水東源出焉官渡水堵水南源也天池堙
之北曰牛碌堙粉水出焉亦筑水南源也牛碌堙之東曰冷盤
堙景山南阜也沮水南源出焉冷盤堙之北入房縣保康界曰
望夫山又東北入保康境曰歐家店山景山北阜也沮水北源
出焉水經注沮水出東汶陽郡沮陽縣西北景山卽荆山首也
淮南子曰沮出荆山杜預云沮出新城郡之西南發阿山蓋山
異名也漢書地理志又作東山歐家店山之東曰五道峽其西
水把河出焉入粉水之水也其東蠻水出焉卽夷水也五道峽
當卽水經注之康狼山酈元謂其與荆山相鄰是也五道峽之
東南曰分水嶺曰大山區曰界山保康與南漳交界山也江北

漢南之正支在府境者止於此其由江漢閒正支所分之支盤亘於府境中者爲堵水與筑水閒山西北則有堵水與漢水閒山東南則有筑水與蠻水閒山自天池堙北之牛礮堙北入房縣境經硃砂崖又北經上龕汛之東秋木園之西又北經倉坪市之東紅花朵又北經麻灣汛之西北三座菴又北曰房山卽隋書地理志所言光遷有房山者元和志寰宇記均言房山在房陵縣西南是也又西北經上達河市之西曰獅子岳望佛山九峰山又北經三教堂鯉魚堙至羊子山筑水發源處也又東北經梁家河汛之西大木廠汛之東至佛泉山爲鄖縣界自天池堙至此山東之水入筑山西之水入堵所謂筑水堵水閒支山也佛泉之北遠水出焉佛泉之東會水出焉於是當分爲筑水與會水閒山會水與遠水閒山遠水與堵水閒山其筑水與

會水閒會水與遠水閒二支委實境於襄陽之均州穀城詳襄陽篇惟佛泉之北入鄖縣境者曰雞鳴山又北曰牛頭山又北曰四方山又北曰天馬山曰小嶺大嶺均止於漢南堵東此所謂遠水與堵水閒山也其西北之堵水與漢水閒山自雞心嶺分支西北池入陝西平利縣境曰化龍山轉而東北入竹谿縣界北池經閬陽坪火龍堙秋山卡老陽山至銅錢關之青華山竹谿水西源出焉轉而東曰東西蓬又東曰雞籠山竹谿水東流出焉又北入竹山界曰界嶺坡又東北經萬興寨又東北經陝西白河縣境至吉陽關汛復入竹山界又東至左吉關入鄖縣界又東曰滄浪山又北入鄖縣境曰老母山又北經鮑家店之東曰分水嶺又北曰青岳寨天旗寨玉皇頂又北曰錫穴山曰金華砦均止於漢南堵西自雞心嶺至此山東山南之水入

堵山西山北之水入漢所謂堵水與漢水閒支山也其東南之筑水與蠻水閒山自五道峽分支東北迤曰大石腦又東經保康縣黃保坪汎之南曰千家林曰寒山埡又東經觀音堂汎又東曰司空山爲保康南漳界又北曰三關岳又東北爲南漳穀城界襄陽府境也詳襄陽篇此府境漢南之山也漢水西自陝西洵陽縣東南流至仙河口入府境漢北爲鄖西縣地漢南爲陝西之白河縣地行七十五里入鄖縣境行一百六十里過府城南行六十里至遠河口入襄陽府之均州境此府境之經流也其支流在漢北者以甲水爲大在漢南者以堵水爲大二水皆見於水經注甲水出秦嶺南流經孝義鎮安之東山陽之西行二三百里至漫川關之西南沙溝鋪入鄖西縣境又南行百餘里入漢

漢書地理志言甲水行五百七十里入沔方

興紀要言甲水行府境一百三十里入漢

三源出竹谿縣西北青華山與雞籠山者北源也世謂之竹谿河出雞心嶺北陝西平利縣瓦子坪汎者西源也世謂之柿河亦曰南江河出房縣西南烏雲頂者南源也世謂之官渡河水經言堵水出上粉縣酈注言房陵縣有粉水縣居其上故曰上粉縣據此上粉縣當在今房縣境與粉水近則水經所言堵水源當指今官渡河也官渡河北流行房縣一百二十里入竹山境行百里與西源會又東北行六十里入房縣境又東北行二十里入鄖縣境又北行百里入漢其北源東南流行竹谿境一百一十里會西源西源北流行平利境數十里東北入竹谿東流行七十里會北源又行三十里入竹山行二十六里會南源此府境支水行地稍遠卽於境內入漢者也其粉水出房縣牛碌埡東北流行一百五十里會筑水筑水出房縣羊子山東南

流行一百四十里會粉水二水既會名曰南河北入保康縣境行二十五里東北爲保康房縣界行二十五里東北入保康縣境行四十五里東北爲保康穀城界行三十里東北入穀城縣境又蠻水出保康縣五道峽東流行保康境四十五里東入南漳縣沮水南北二源俱出保康景山均東南流行保康境五十里南入南漳縣此府境支水行出鄰郡入漢入江者也他如支山支水縣亘紆迴不出一縣之境者詳於各縣茲敘其有出入疆界之煩者以爲之綱

鄖縣

沿革

春秋時爲麇國桓十一年與鄖伐楚之絞國後人言在今縣西北文十一年潘崇所伐之錫穴杜預以爲麇國地今縣西漢水

光緒湖北輿地記二十三

三

南岸有錫穴山當卽古錫穴地也後楚滅麇絞地遂爲楚有秦屬漢中郡漢爲漢中郡之長利縣地後漢省長利入錫縣錫縣亦屬漢中郡兩漢漢中均屬益州部三國錫縣屬魏荆州魏興郡晉大康四年析錫縣復漢長利縣五年改長利爲鄖鄉屬魏興郡於是縣境爲魏興郡之鄖鄉縣地隸荆州宋鄖鄉屬梁州魏興郡齊分魏興郡東境上庸郡北境置齊興郡又分鄖鄉縣置齊興縣爲齊興郡治領六縣在縣境爲齊興鄖鄉二縣屬梁州梁大清算元於梁州齊興郡置興州改齊興郡爲南始平郡後復改爲齊興於是興州所領在縣境爲齊興郡之鄖鄉齊興二縣爲廣福郡所領廣福縣廣福當分齊興置而鄖鄉爲興州及齊興郡治所又置鄖州所領郡縣無攷西魏改梁興州爲豐州所領在縣境爲齊興郡之鄖鄉縣爲廣福郡所領廣福縣而

齊興縣於魏無攷隋廢廣福郡改廣福縣曰安福縣與鄖鄉縣同屬豫州淅陽郡鄖鄉卽梁魏之鄖鄉縣梁置興州鄖州魏置豐州安福爲梁之廣福齊興二縣魏之廣福縣地唐武德元年置南豐州領鄖鄉安福堵陽三縣堵陽當分鄖鄉置均在縣境又分鄖鄉置長利縣在今鄖西縣境八年廢南豐州以鄖縣堵陽安福屬均州貞觀初省堵陽安福二縣入鄖鄉並省長利入鄖鄉廢均州以鄖鄉縣屬浙州八年廢浙州復置均州鄖鄉縣還屬之天寶元年改均州爲武當郡乾元元年復爲均州隸山南東道五代梁唐晉漢周均有其地宋鄖鄉縣仍屬均州州隸京西南路宋末省上津縣入鄖鄉縣景定以後鄖鄉遷徙無定所元至元十四年復於鄖鄉地改置鄖縣屬均州十九年以均州屬襄陽路隸河南江北等處行中書省明洪武初分鄖縣故

光緒湖北輿地記二十三

十三

上津縣地置上津縣十年又省上津入鄖縣十三年復置上津縣成化十二年於鄖縣置鄖陽府又分鄖縣之南門保置鄖西縣當卽唐之長利縣故地也於是鄖縣疆域與今合爲鄖陽府治屬湖廣布政使司 國朝康熙三年分湖廣布政使司爲湖北布政使司鄖縣爲鄖陽府治屬湖北布政使司

疆域

廣一百六十三里縱一百八十八里至 京師陸程二千五百里至省水程一千八百里陸程一千二百里東至襄陽府均州界四十五里西至鄖西縣及陝西興安府白河縣界一百十有八里南至房縣界一百有二里北至陝西商州商南縣界七十六里東南至襄陽府均州界三十五里東北至河南南陽府浙川廳界一百十有二里西南至竹山縣及陝西興安府白河縣

界一百二十里西北至鄖西縣及陝西商州商南縣界七十七

里

天度 坤日出入

緯度北極出地三十二度四十八分五十二秒經度距東京師

中綫偏西五度四十四分十六秒曰烏龍山又東南曰大陳
冬至日出辰初刻四分五十九秒日入申正三刻十分一秒
晝三十九刻五分二秒夜五十六刻九分五十八秒夏至日出
寅正三刻十分一秒日入戌初初刻四分五十九秒晝五十六
刻九分五十八秒夜三十九刻五分二秒鳳皇山又東曰黃龍

山

又自天井山東數至

縣境之山分漢水以北漢水以南兩支漢北之山在潛水北
者自縣西北七十七里潛水導源之城牆堙北池入陝西南

光緒湖北輿地記二十三

十四

南縣境轉而東迤至縣北七十里之劉家山入境劉家山之
東少北曰咆峪山南出咆峪溝水北分小支曰玉皇山咆峪
山之東曰天井山南分小支曰中峰砦又自天井山東迤至
韓成溝與觀溝保水發源處又東南曰鳳皇山又東曰烏龍
砦又東曰人和砦又東南曰分疆嶺又南止於潛水口此潛
水以北丹水以南一支也在潛水南者自城牆堙入境城牆
堙之東曰界牌堙其東分小支曰古路堙南出大柳樹河水
又東至青巖河水發源處又東曰烏龍洞山又東南曰大和
砦又東南止於楊家灣河入嘶河口西爲潛水與青岳河楊
家灣河水間一小支又自界牌堙南少東池曰左臺山又東
南曰葛條堙南有小水出焉又南少東曰觀溝堙有先生河
水出焉其西分支西池至洞兒河發源處又分二支南支曰

捉馬山又南止於洞兒河入先生河處爲先生河洞兒河兩水間一小支西南支曰老君山又南曰大孤山山在漢水中南距韓家洲僅少許爲先生河以西曲遠河以東一小支又自觀溝堦東池曰呂家砦南分小支曰香爐山又西南曰武陽山又東南止於府城北爲先生河以東小河以西一小支又自呂家砦東南池曰梅子關小河水出其南東溪溝水出其北南分小支曰斧山砦又南少西曰文筆峰又西南止於小河口爲小河以東卜家河以西一小支又自梅子關東少北池曰皮籬山又南曰風火山又南曰石雞山南分小支曰雲臺山又自石雞山東池曰茨家嶺北出黃柿河水南出楊溪河水又東北曰雷峰堦南有小水出焉又東少北至龍門川發源處其北分支曰九龍砦又西北曰亂石山又西北止

於東溪溝水入滔水處爲白竹溝水以西東溪溝水以東一小支又自龍門川水發源處南池曰龍門山東北有小水出焉東南分小支曰黎子山又分二支黎子山之北支曰孝婦坡北有東梁河水出焉又東北曰青龍砦東有趙家溝水出焉又北少西至八畝保東北有西寺溝水出焉又北止於東梁河入滔水處爲東梁河以東一小支黎子山之東北支曰佛祖寨又東北止於趙家溝入滔水處爲趙家溝水以南一小支又自龍門山南少東池曰大龍山爲縣與均州界山其南分支入均州境曰磨煉山又南曰二龍山又南曰臥龍岡又南止於仇家河之北自大龍山傍縣與均州界西南池曰青龍山其南分支入均州境曰鳳皇山又西南曰應山又西南曰白虎山止於漢水北又自青龍山傍縣與均州界西南

池曰余家山又西南止於漢水之東北自大龍山傍縣與均州界東池至仇家河發源處其西南分支入均州境曰冷水山又南止於仇家河西又自仇家河發源處傍縣與均州界東北池至馬塘關又南入均州境此縣境滔水以南漢水以北一支也

漢南之山在堵水西者自縣西南一百二十八里之左吉關入境左吉關爲縣與竹山及陝西白河縣界山紅石河水出其北將軍河水出其東其東北分支曰大佛山又西北曰火燒寺山南有小水出焉火燒寺山之東曰龍山火燒寺山之北曰葛條堖北有小水出焉東有木瓜溝水出焉又北曰聖母山又東曰觀音砦又北曰白馬砦又北曰錫穴山止於漢水南爲將軍河紅石河兩水間一小支又自左吉關東池曰

西界嶺又東曰東界嶺又東少南曰滄浪山滄浪之東北分支曰漫砦又東曰朝陽砦又北曰青砦山爲余河門樓溝兩水間一小支滄浪山之北分支曰天保砦分二支天保砦之東北支曰香爐砦又東北曰大平砦又北曰迴馬洞又東止於大峽河入堵水處爲余河大峽河兩水間一小支天保砦之北支曰老母山北有大峽河水出焉又北曰佛洞山又北曰分水嶺又北曰青巖寨山南有小水出焉北有豐里河水出焉又分二支青巖寨山之西支曰熊家嶺北有洞青溝水出焉西北支曰石盤山北有小水出焉又北曰黑虎堖北有洞水溝水出焉又東北曰龍虎石又北曰仙風洞止於漢水南爲洞青溝將軍河兩水間一小支其北支曰南豐山又北

曰長利峪又北少東曰五豐山又北曰孟寨山止於漢水南
爲洞青溝豐里河兩水閒一小支青巖寨山之東北支曰天
旗寨山東有鮮魚溝水出焉北有小水出焉卽豐里河之東
源天旗寨山又分二支其北支曰東西峰又北止於漢水南
爲豐里河安城溝兩水閒一小支其東支曰玉皇頂小峽溝
水出其東安城溝水出其北又東至祖師殿又東北曰金華
寨大石溝水出其西小石溝水出其西北塔峪溝水出其北
又東北至塔峪保又東北止於堵水入漢水口西自祖師殿
至此爲安城溝水與堵水閒之一小支又自滄浪山東迤至
縣與竹山縣房縣交界處其東北分支曰盤龍砦又東曰陡
嶺寨止於堵水西爲軛峪河門樓溝兩水閒一小支又自縣
與竹山房縣交界處南入竹山縣境此堵水以西紅石河以

東一支也在堵水東者自縣南九十八里之佛泉山入境佛
泉山爲縣與房縣界山山北有爛柴溝水出焉自佛泉山東
北迤至均州界曰分水嶺其北分支北迤轉而東北迤曰黃
寶山又北止於茅箭河東爲茅塔河茅箭河兩水閒一小支
又自佛泉山北迤至唐家河發源處又北曰雞鳴山北有神
定河水出焉西北有小水出焉其北分支曰牛頭山又北曰
尖山又東北曰四方山西出四堰河水西北出金魚河水又
分二支四方山之北支北迤至松林保又北曰天馬山止於
漢水南自雞鳴山北迤至此爲神定河以西金魚河西流河
以東一小支四方山之西北支曰大嶺山大嶺山之北曰紅
砦又東北止於漢水南大嶺山之西南曰雙鳳砦又西南曰
四大坪山又南止於西流河之北爲堵水與金魚河四堰河

水閒一小支又自雞鳴山西池曰停竺山北有西流河水出焉其東北分支曰三峰山其西北分支曰老木荒山又東北曰相公嶺又北至虎尾水發源處又西北曰白馬山又北止於西流河之南爲堵水與西流河水閒一小支又自停竺山西池止於堵水東此堵水以東遠河以西一支也

水

漢水左岸自鄖西縣右岸自陝西白河縣東南流至紅石河口有紅石河水北流來注

紅石河源出縣西南一百二十八里與竹山縣交界之左吉關北少西流十里右合黃龍洞水左逕白河縣界又北少西三里逕順水寺西又北少西六里左仍入縣境又北流三里逕廟巷西又北十里又北少西七里逕大平店西南又西北

光緒湖北輿地記二二三

文

二里入白河縣境又北屈流四十里至白河縣城東注於漢謂之紅石河口

漢水既受紅石河水又東流四里入縣境在縣西一百一十四里東少北流三里右有木瓜溝水北屈曲流五十里注之又東少南五里至犁洞灘又東一里逕羊尾市南錫穴山北錫穴山卽古錫穴地也左岸有上溝水來注又東二里左岸有下溝水來注又東流三里左合朱家溝水又東南三里左逕板橋鋪有板橋河水源出鄖西縣界之廣山南屈流十六里注之又東南七里右逕將軍河塘有將軍河水北流注之

將軍河有東西二源東源出滄浪山曰東河西北流二十五里與西源會西源出左吉關東曰西河東北流二十五里與東源合而北流五里西六里轉東北十里逕鮑家店右合分

水嶺之水又西北三里左合龍山水又北屈流二十里右合熊家嶺水又東北三里屈而西流七里至兩河口葛藤壩之水東北流來會又北逕段樹壩戴家彎東屈折二十五里注於漢

漢水又東北二里右有澗水溝水北流十八里注之又東六里右有洞青溝水北流三十五里注之又北二里半逕孤山塘東又北二里半左有董家溝水東南流二十二里注之又東少北二里半河中有山曰孤山又東少北三里半至泥河口左會泥河水

泥河源出鄖西縣西四十里之天心山東流十二里至上營入縣境又東八里逕下營仍入鄖西境又東十里左合小泥河水折南四里入縣境又南少東屈折流十四里至泥河口

光緒湖北輿地記二十三

九

注於漢

漢水又東北四里火煤河水源出土地嶺南流十里注之又東二里左合豐里河

豐里河有三源中源出青巖北流十二里左有西源出熊家嶺北少東流十四里來會又北流二里右有東源出天旗砦山西北流十二里來會又北十里曰花瓶河又北流五里又東流四里屈而西北流五里逕南豐店東又北十里逕孟

砦山東注於漢

漢水又東三里又東北一里半左逕黃連壩汎有天河水自鄖西縣界南流注之詳見鄖西又南少東二里又南少西三里逕金漆料塘西左合楊家溝水又西南二里折而東少南一里又東少北四里左合石人河水又東少北四里半左合秋木溝水又東

一里右有安城溝水西北流注之

安城溝有二源東源出祖師殿西北流十里西源出玉皇頂東北流十二里至三汊合焉又西北流入里又北屈流十里逕安城店又北十里注於漢

漢水又東一里左合一小水又東一里東南五里右合鮑家河水又東南三里至白沙扒右有大石溝水源出金花砦西北流十里東流二里又北九里注之又東北三里右有小石溝水源出金花砦北流十六里注之又東北二里左有歸仙河自鄖西縣界南流注之詳見鄖西又東三里至令牌石灘又東一里半右有塔峪溝水源出金花砦北流二十里注之其下曰塔峪灘又東四里半左有曲遠河會箭流河南流注之西流四里又南也

曲遠河西源出界牌壩南流十八里逕蝴蝶汛又南爲黑水

光緒湖北輿地記二十三

三

河屈流十六里與東源會東源出葛條壩西南流二十里與西源合而南流四里逕老君山西北又西流四里又南少東十三里折西南六里至青桐鋪右有箭流河自鄖西縣界南流十二里來會又南屈流十二里至曲遠河塘注於漢

漢水又東一里半折西南三里又南一里半東南一里又東北二里至大浪灘又東北三里半東南半里至走馬灘折西南一里半南一里半又東少南三里至涓子河又東二里江中有韓家洲去右岸不及半里又東一里半河中有山曰大孤山堵水東北流注之

堵水自房縣北流入縣境在城西南一百一十里左合磚峪

河水又北七里右合戴三溝水又北二里又西北四里逕陡

嶺砦又北少東四里右合貓臥溝水又北二里左合門樓溝

水又東北三里轉而西北六里左有余河源出滄浪山東北
屈流二十五里逕大平砦南又東少南十五里注之堵水又
北二里逕皮鼓灘右合一小水又西北十四里至舒家保東
又東北四里右合石花溝水又北少東四里左有大峽河水
源出老母山東北流八里曰大堰河又北十二里至小花果
園左會青碧砦水又東北十二里至姚家灣左合鮮魚溝水
又東少北十里右逕舒家店又東南五里注於堵水堵水又
北流二里右有西流河水南源出停竺山北流十四里右合
出雞鳴山西北流十六里來注之小水又北屈流十四里右
合東溝水又北屈流四里左合西溝水又北少西十二里與
東源會東源出牛頭山北流十里又西北四里右受出四方
山西流六里右合一小水又西南流七里來注之四堰河又
西六里逕舊鋪灣北又西五里與南源會又西五里逕老人
倉南左合虎尾水又西六里逕雙峰店北又西四里至黃龍
鎮南注於堵水堵水又北逕黃龍灘巡檢署西又北少東十
四里左合小峽溝水又北三里西北四里屈而東北十六里
至輒城保又北七里注於漢

漢水又東流二里半又東少南三里又東二里北二里又西少
北一里半右經遼瓦店又西北四里北一里半北少東一里左
合牛黃溝水稍下河中有山曰小孤山又東北二里半清水河
源自老君山南屈流二十六里注之又東四里東北一里逕馬
昌關東左合沙溝水又東五里逕武陽堰堰河水南流注之

堰河水有二源西源曰洞兒河南流十一里折東南流十一

里與東源會東源出觀溝壩曰先生河南流十四里折西四

里又南屈流五里與東源合而南流入里至堰河口注於漢
漢水又東南八里左逕觀音堂塘又東南二里左逕伏龍關又
南少東一里半右合茅窩河又南二里池而東少南一里金魚
河水東北流注之

金魚河源出茅坪四方山北流六里又西北四里東北四里
左合一小水又北少東十八里左有大嶺鋪水源出大嶺山
東北流十二里逕白鶴鋪又東北八里逕三門店又東北二
里來入金魚河又東北流二里注於漢

漢水又東一里半逕府城南天馬山北又東北三里至小河口
趙河水西南流注之

趙河一名小河有二源東源出梅子關山南流十九里折西
南流五里與西源會西源曰左家河南少東屈流二十里與

光緒湖北輿地記二十二

三

東源合而南流八里注於漢

漢水又東流八里左有卜家河源出斧山砦時見時伏南少西
流二十里注之漢水又東少南三里半至楊溪鋪楊溪河西南
流注之

楊溪河有二源東源出茨家嶺西南屈流二十里與西源會
西源出石雞山南流十五里與東源合而西南十里注於漢
漢水又東南一里半神定河水東北流注之

神定河源出縣南雞鳴山北流十里曰大羅家川又北十里
曰百二河又北五里屈而東南五里又北十二里逕十堰店
又西北六里轉而東北十四里又北十二里東五里屈而西
北五里逕八畝地又北十五里至王家河西又東北五里至

神定河汛注於漢

漢水又東一里折東北二里至琵琶灘又東四里半左有細峪河源出細峪西南屈流二十四里注之折而南少東四里又東五里左合傅家溝水又東少北三里左有大橋溝南流來入又東一里半左逕安陽鎮龍門川西南流注之

龍門川源出白桑關東北南流十里過龍門山又南五里逕龍東塘又西南八里至雙河保右合雷峰壩水又南三里半左合桃溝水又西南十三里至安陽鎮注於漢

漢水又南二里又西南三里又西五里至石灰窰折南二里逕蓼池塘右合羅家河水又東南七里左逕王莊保南入襄陽府均州界又南一里右岸亦入均州界遠河水東北流注之

遠河水有二源西源出房縣界佛泉山北流十里曰爛柴溝又北十里曰小羅家川又北十二里曰麻家河又北二里又

東少北五里曰茅箭河又北四里又東北一里至迴龍寺又東四里轉而北流入里至鴛鴦寺西與東源合東源出房縣及均州界之分水嶺北流三里至廖家營又北五里至康家灣又北五里又東五里轉北五里至茅塔河塘又東北十里右合田戶堰水又北屈流十五里至鴛鴦寺西與西源合而北流三里又東三里北四里又西北四里至白石坪東又東流六里又北流四里又東北十里右逕均州界又東北二里至遠河口注於漢

丹水自陝西商南縣及河南浙川廳界東南流至荆紫關南右岸入縣境左岸屬浙川廳在縣北九十六里東少南流四里逕楊溪鋪北又東少南五里逕玉皇山北又東二十四里右合韓城溝水又東少南十九里右逕白浪坪合一小水又

東南二十八里逕江峪汛東又東南十里逕分疆嶺東又南
少東十六里至滔水口右有滔水源出縣與鄖西商南界之
城牆堙自商南東流至二龍潭入縣境在縣北七十五里東
南流八里又東北四里逕烏龍洞山北又東六里又東北八
里屈而南流二里又東三里逕南化塘北左合岫峪溝水又
東南三里右有趙河水源出馬嘶泉北少東十里逕左溪寺
又東少北八里又北少東七里左有楊家灣河源出古路堙
東南流十三里曰大柳樹河又東屈流二十里左會青暑河
水又東九里來注趙河又北少東七里西北五里又東北五
里又北六里至南化街東注於滔水滔水又東十里右有東
溪溝水源出梅子關北流七里又東少北十里右合黃柿河
水又東北五里北少西五里屈而東流一里半右合一小水

又北屈流二十五里半來入滔水又東屈流十二里左合觀
溝保水又東二里右合一小水又東北五里東南三里逕鳳
皇山南又東南四里東北四里右有白竹溝水北流二十餘
里來入又東少南六里右有東良河源出孝婦坡北屈流十
二里右合一小水又北少東屈流二十八里來入滔水又東
南十六里逕梅家鋪汛東右合栖寺溝水又東南六里逕北
亭街西又東南三里右合趙家溝水又東南六里逕官停鋪
北又東少南二里至滔水口入於丹水丹水又東南流右岸
亦入浙川廳界

鄉鎮

縣有鎮市三十一鄉四保一百一十五

楊溪鋪在城東十五里安陽鎮在城東五十里遠河口在城東

六十里萬家坪在城東七十里龍門村在城東七十里白桑關
在城東北八十五里梅家鋪在城東北一百四十里葛鳩店在
城東北一百四十里官停鋪在城東北一百五十里茅箭河店
在城東南七十里白浪店在城東南一百里金魚店在城南五
里茅坪在城南四十里十堰店在城南七十里花果園店在城
南七十里黃龍灘鎮在城西南一百里舒家店在城西南一百
二十里小花果園在城西南一百三十里鮑家店在城西南一
百五十里老人倉在城南八十里皮鼓灘在城西南一百七十
里武陽店在城西十五里遼瓦店在城西三十里曲遠河店在
城西六十五里安城店在城西一百里天河口鎮在城西一百
九十里南化街在城北一百二十里楊溪街在城北一百六十
里江峪街在城東北一百八十里

鄉在城東者曰東鄉在城西者曰西鄉在城南者曰南鄉在城
北者曰北鄉

在城有保八曰新仁保曰三桂保曰儒林保曰鼓樓保曰迎武
保曰北樓保曰東關保曰西關保東鄉有保二十九曰蕭公保
曰楊溪保曰斧山保曰余家保曰岨峪保曰細峪保曰圩坪保
曰安陽保曰王莊保曰雙河保曰黃畝保曰龍東保曰白桑保
曰桃溝保曰麻峪保曰柏家保曰東溪保曰上津保曰梅子保
曰黃柿保曰趙河保曰八畝保曰東良保曰栖寺保曰梅家保
曰葛鳩保曰烏峪保曰盤道保曰黑豆保西鄉有保二十九曰
茅窩保曰柳陂保曰遼瓦保曰磚城保曰走馬保曰塔峪保曰
大小石保曰宿家保曰安城保曰黑楸保曰東西峰保曰泥河
保曰孤山保曰舒家保曰迴馬保曰王二保曰鮑家保曰豐水

保曰將軍保曰木瓜保曰紅石保曰筍廠保曰黃龍保曰黑虎保曰傘竹保曰大莊保曰葉門保曰皮鼓保南鄉有保二十五曰普高保曰鄧家保曰神定保曰石廠保曰茅坪保曰松林保曰圓通保曰土門保曰界山保曰秦店保曰羅溪保曰蓼池保曰遠河保曰火爐保曰牛家保曰尖山保曰花園保曰萬家保曰伏龍保曰規堰保曰十堰保曰茅箭保曰茅塔保曰青畧保曰唐家河保北鄉有保二十四曰豐宜保曰觀音保曰武陽保曰莫鐵保曰大堰保曰馬昌保曰柿子保曰先生保曰清水保曰藍水保曰桃花保曰曲遠保曰瓜子保曰蝴蝶保曰化山保曰南化保曰龍洞保曰觀溝保曰馬塘保曰青岡保曰白馬保曰古窰保曰江峪保曰甘津保

楊溪鋪汛在城東十五里梅家鋪汛在城東北一百四十里遠

河汛在城東六十里花果園汛在城南七十里黃龍灘汛在城西南一百里青桐鋪汛在城西七十五里黃連埡汛在城西一百五十里木瓜溝汛在城西二百二十里將軍河汛在城西二百四十里蝴蝶汛在城北一百五十里江峪汛在城東北一百八十里神定河汛在城東十五里
東路鋪四曰神定鋪曰界山鋪曰蓼池鋪曰遠河鋪凡六十里至襄陽府均州界

西路鋪三曰馬昌鋪曰紅門鋪曰青桐鋪凡九十五里至鄖西縣箭流鋪

南路鋪六曰白鶴鋪曰大嶺鋪曰小嶺鋪曰花果園鋪曰西溝鋪曰岳家鋪凡一百七十里至房縣桃林鋪

北路鋪五曰楊溪鋪曰余家鋪曰白桑鋪曰梅家鋪曰官停鋪

凡一百八十里至河南浙川廳界

職官

知縣 教諭

訓導

巡檢

駐黃龍鎮典史

三教授 三訓導 未經

知府

同知

駐竹山縣白河口

通判

駐鄭西縣上津保

三教授 三訓導 未經

廳

總兵 游擊二員

都司一員

守備三員

千總四員

城一駐

駐梅家鋪

把總六員

二駐城一駐江峪一駐黃連

一駐遠河

外委六員

一駐楊龍灘

一駐木瓜溝

一駐青螺鋪

一駐遠河

外委六員

房縣

沿革

春秋時爲麇國之防渚地文十一年楚人敗麇師於防渚杜預

以防渚爲麇國地闕駟言防卽防陵卽漢之房陵縣今房縣也

光緒湖北輿地記二十三

七

後楚滅麇地遂爲楚有戰國爲房陵地秦始皇徙趙王遷房陵

是也秦屬漢中郡兩漢爲漢中郡之房陵縣地隸益州部漢末

以房陵縣置房陵郡於是縣境有房陵郡治所矣建安二十四

年劉先主遣孟達攻房陵殺房陵太守蒯祺地爲蜀有明年孟

達以其地降魏魏黃初中改房陵郡爲新城郡治房陵分房陵

置綏陽昌魏沔鄉三縣尋改綏陽曰秭歸均屬新城郡沔鄉爲

今保康縣於是新城郡所領在縣境爲房陵秭歸昌魏三縣隸

荊州晉大康二年復秭歸縣曰綏陽

晉書地理志 誤作綏陽

於是新城郡

治房陵領四縣在縣境爲房陵綏陽昌魏三縣仍隸荊州宋新

城郡屬梁州領六縣治房陵在縣境仍爲房陵綏陽昌魏三縣

齊改新城郡爲南新城郡仍屬梁州所領縣仍宋舊在縣境者

亦同梁置岐州所領在縣境爲新城郡之房陵縣又置綏州領

綏陽一縣昌魏縣無攷西魏廢梁岐州立光遷國屬東梁州以綏州領新城郡郡所領在縣境爲房陵一縣餘無攷周改魏光遷國曰遷州改新城郡曰光遷郡房陵縣曰光遷縣隋開皇初廢綏州并廢光遷郡大業初於光遷縣立房陵郡治之屬梁州光遷縣爲宋齊之房陵綏陽昌魏三縣梁之岐州綏州房陵綏陽二縣魏之光遷國綏州房陵縣周之遷州綏州光遷縣地唐武德初改房陵郡爲遷州治光遷領五縣在縣境爲光遷房陵二縣房陵分光遷置七年又廢房陵入光遷貞觀十年改光遷爲房陵縣廢遷州自竹山徙房州治於房陵天寶元年改房州爲房陵郡乾元元年復爲房州屬山南東道五代梁唐晉漢周均有其地宋開寶中省永清縣入房陵縣房陵仍爲房州治雍熙三年於房州立保康軍節度屬京西南路於是縣境有節度使治所矣紹興中房州保康軍屬利州路後改爲保甯軍元房陵仍爲房州治至元十九年以房州屬襄陽路隸河南江北等處行中書省明洪武十年省房陵縣入房州治旋降州爲縣又省竹山入房縣十三年復置竹山縣宏治十年又分房縣之潭頭坪置保康縣卽永清縣故地也於是房縣疆域與今合屬湖廣布政使司鄖陽府 國朝康熙三年分湖廣布政使司爲湖北布政使司房縣遂屬湖北布政使司鄖陽府

疆域

廣一百二十六里縱一百七十六里至 京師陸程二千八百二十里至省水程一千七百八十里陸程一千二百九十里至府陸程三百二十里橫距府經綫十四里縱距府緯綫一百四十九里半斜距府一百五十里半東至保康縣及襄陽府穀城

縣界六十六里西至竹山縣界六十里南至宜昌府興山縣界一百十有三里北至鄖縣及襄陽府均州界六十三里東南至保康縣界六十八里東北至襄陽府均州及穀城縣界一百里西南至宜昌府巴東縣及四川夔州府巫山縣界一百九十八里西北至鄖縣及竹山縣界九十二里

天度

附日出入

緯度北極出地三十二度零四分經度距

京師中綫偏西五

度四十七分三十秒

冬至日出辰初初刻一十三分二十五秒五二日入申正三刻

一十一分五十四秒四八晝三十九刻一十八分四十八秒九

六夜五十六刻一十六分一十一秒零四夏至日出寅正三刻

一十一分五十四秒四八日入戌初初刻一十三分一十五秒

光緒湖北輿地記二十三

完

五二晝五十六刻一十六分一十一秒零四夜三十九刻一十

八分四十八秒九六

山

江北漢南正支自竹山東北池至縣西南一百六十八里之陰

條嶺入縣境自陰條嶺循縣與巫山縣界南少東池曰烏雲頂

北出洛陽河水東北有長嶺支山

漢水

京師中綫偏西五

長嶺在烏雲頂東北又東北曰東溪山又傍洛陽河北池止

於東溝水入洛陽河口之南此洛陽河以東東溝水以西支

西山也

宜昌縣界四里又四里夔州府巫山縣界一百六十八

又自烏雲頂循縣與巴東縣界東池曰天池埡西出土陰峪河

又循縣與興山縣界北池至牛礫埡南東出溫水河其西北有

沙子嶺支山其北有扇子壩支山

十里南至宜昌府興山

沙子嶺在牛礫埡西北分三支其西支曰馬鞍頭又西止於九道梁水東其西北支曰九道梁又北止於官坪水入九道梁水處其北支曰龍頭寨又西北入竹山縣止於白河之東此大平河以西九道梁水以東諸支也扇子壩在牛礫埡北又東北曰硃砂碛又分二支硃砂碛之東支曰閃門砦又東曰道土埡又東北曰青羊山又東止於苦水河西此溫水河以北盤水河以南小支也硃砂碛之北支曰紫竹東北出獐洛河水又分三支紫竹之西北支曰三岔又分二支三岔之西北支循大平河鐵峪河兩水間西北入竹山縣境止於官渡河東三岔之東北支西北迤入竹山縣境曰天心砦又北曰照金碛北有小生河水出焉照金碛之東曰三和砦又北曰觀音洞又北止於大生河西爲小生河大生河兩水間一

小支照金碛之北曰微王山又北曰來城埡又北曰文家山南有王家河水出焉又北止於堵水南此獐洛河以西官渡河鐵峪河以東小支也紫竹之北支曰大石坡又北止於清溪溝入獐洛河處爲獐洛河清溪溝兩水間一小支紫竹之東北支曰毛莊頭又分二支毛莊頭之東曰大屋碛又東南止於兩河口爲盤水河以北苦水河以南一小支毛莊頭之北曰紅花朵苦水河出其東南五池水出其西北紅花朵又分四支紅花朵之西北支曰丁家坡又北曰白蓮洞東南有過風樓水出焉又東北曰黃龍山東河水出其東扁擔溝水出其北又西北入竹山縣境曰回頭砦回頭砦之北少東曰蓮花堡又北止於天台坪水入霍河處爲霍河天台坪水兩水間一小支又自回頭砦西至天台坪水發源處又北曰雷

神砦又北曰冠領山冠領山之東北曰保安砦冠領山之北
曰中和砦又西北曰青石砦其北曰將軍嶺其西北曰白馬
山又北曰筑山北臨堵水南有小水出焉此大生河以東霍
河以西小支也紅花朵之北支北過馬家灣塘東又北止於
黃柏溝會馬家灣水處爲黃柏溝馬家灣水兩水閒一小支
紅花朵之東南支旁苦水河東南迤止於五塘口水入苦水
河處爲五塘口水苦水河兩水閒一小支紅花朵之東北支
曰三座菴南出五塘口水北出盤峪河水三座菴又分三支
三座菴之北支曰臥虎山又北止於北門河南此西門河盤
峪河兩水閒小支也三座菴之東支曰西蒿坪有三教堂水
出焉西蒿坪又分三支其北支曰挂榜砦又西北曰穿峰砦
又北止於兩河口爲苦水河以西三教堂水以東一小支其

南支曰螺絲洞又東南曰白玉洞又南止於鷓子河入苦水
河處爲五塘口水苦水河以東鷓子河以西一小支其東支
曰東蒿坪北出西門河水西出鷓子河水東蒿坪又分三支
其南支曰母豬峽自母豬峽東迤曰獨腳砦又東南止於南
河西自母豬峽南迤過天花坪又南止於南河北自母豬峽
東南迤入保康縣境曰破山嶺又北曰天池寨又東北止於
南河西此鷓子河苦水河以東白碧河南河以西小支也其
北支曰驥坂坡又北至南壇有湯池水出焉又北止於北門
河南此烏峪河以西西門河以東小支也其東支曰大紅袍
北有廖家河水出焉又分三支大紅袍之南支曰土壩又南
止於南河北此金蓮寺水蛇峪河兩水閒小支也大紅袍之
北支曰梅花山止於北門河南此廖家河以西烏峪河以東

小支也大紅袍之東支曰五臺山五臺山之北曰香耳堽又北曰西山又北止於北門河南五臺山之東北曰三尖山其西曰綠漪峽其北曰青峰止於北門河南此廖家河以東北門河以西小支也三座菴之西北支曰獐子山又東曰房山有湯峪河水出焉又西北曰獅子碁又西北曰望佛山又北曰九峰山有長峪河水出焉又西北至縣與竹山縣界曰界山自牛碌堽分支北迤至此縣境北門河以南一大支也界山之北少西入竹山縣境曰香爐山又西止於青龍觀水入霍河處界山之北入竹山縣境曰馬虎嶺西出青龍觀水其北曰彭家坡其西曰滾子坡又西南曰方城山又南曰大樹堽大樹堽之西北曰雞公嶺又北少西曰霍山大樹堽之西南曰公姑峽又南曰長嶺止於青龍觀水入霍河處此化峪

河霍河兩水間小支也又自界山東入縣境至陳家鋪分二支其南支東南迤過化龍堰止於上達河入長望川處爲長望川上達河兩水間一小支其東支曰鯉魚堽化峪河出其北長望川出其南又分二支鯉魚堽之北支曰秦山又西北曰土地嶺又南曰三岔止於梅花河入化峪河處爲大木廠河化峪河兩水間一小支鯉魚堽之東支曰羊子山北有小水出焉南分支至小魚出指北河水自小魚東南池曰漫子山又東南曰明月山又東南止於唐溪溝入長望川處爲唐溪溝指北河兩水間一小支自小魚南池曰祇陀山又東南止於指北河入長望川處爲指北河長望川兩水間一小支羊子山之東曰小羊山北有小水出焉南有唐溪溝水出焉又東曰磨磚寺北出大木廠河水磨磚寺又分三支磨磚寺

之北支曰馬驚洞又西北止於孔家溝入大木廠河處此百福水大木廠河兩水閒一小支也磨磚寺之南支南池過白濟鋪又南止於北門河北此唐溪溝高棍河兩水閒一小支也磨磚寺之東北支曰郭家莊南出高棍河水西出百福水郭家莊又分三支其南支循弔橋水高棍河兩水閒南池止於龍坪北其西支循百福水五穀廟河兩水閒西池止於孔家溝東其東北支曰佛泉山跨縣與鄖縣界又分四支佛泉山之北支入鄖縣境延亘於堵水遠河閒詳鄖縣篇佛泉山之西北支循縣與鄖縣界西北池至板園又循板橋鋪水孔家溝兩水閒西池止於大木廠河東佛泉山之東北支亦循縣與鄖縣界東北池曰分水嶺跨縣與鄖縣均州界均州會水以西諸山之祖也佛泉山之南支南池至解家河發源處

其東分支曰馬鞍山又東止於解家河入梁家河處爲白廟溝解家河兩水閒一小支又南池至白廟溝發源處其南分支曰穿山又南止於兩河口爲弔橋水劉家河兩水閒一小支又東池至馬嘶山塘南又東曰馬息山西南出西浪水馬息山又分二支其西南支曰土地嶺又西南止於北門河東北此包家河西北西浪水大里溝東南小支也其東北支曰擂鼓臺爲縣與均州界又東曰界牌壩西有包家河水出焉其南分支曰香耳坪又南曰小鷄子壩又南曰鷄子壩又西南曰米花山又西南止於包家河入北門河處此劉家河樊家河以西包家河以東小支也界牌壩之東曰毛家山跨縣與均州界西南出劉家河水其北分支爲均州會水以東諸山之祖其南分支入縣境過烏牛觀塘又南止於馬家河會

劉家河處爲馬家河劉家河兩水閒一小支毛家山之東曰
咽嚕嶺又分三支咽嚕嶺之南支曰小大林埡又分二支其
西南支曰紅碧頭又西南曰驢蹏嶺又南曰見日山又南止
於榔口爲榔峪河以西馬家河北門河以東一小支其南支
曰十盤山又南曰會香觀爲縣與穀城保康三縣界自會香
觀循縣與保康界西南池曰珠藏洞止於北門河東自會香
觀循縣與穀城界西北池曰毛坡又北少東池曰百步梯北
臨八道河自會香觀南池入保康縣境曰白雲山又南止於
南河西咽嚕嶺之東南支曰牛心山又東入穀城縣界咽嚕
嶺之東北支曰瑤峰嶺跨縣與均州穀城界爲均州浪河東
南穀城汎水西北諸山之祖於穀城篇詳之自界山東北池
至此縣境北門河以北一大支也

自牛碌埡南循縣與興山縣界東池至徐家莊其北分支曰老
龍洞又東北止於大洛溪入南河處爲宋洛河大洛溪兩水閒
一小支又自徐家莊循縣與興山縣界東池曰冷盤埡爲縣與
保康興山三縣界山其西北分支曰唐家山又東北止於讓峪
河入南河處爲讓峪河橫溪兩水閒一小支又自冷盤埡循縣
與保康界北池曰望夫山又北入保康境於保康篇詳之

水

堵水右岸自竹山縣東北流入縣境逕化口市在縣西北六
十四里有化峪河水源出縣西北四十二里之鯉魚埡西少
北流八里右逕竹山縣界又西北流六里左有梅花河水南
流十二里來注又西北流十五里至化口市注堵水堵水又
東北流七里逕土地嶺西又北少東流四里右逕姚坪市左

岸亦入縣境又東北流三里左有蕭家溝水東南流十里來注又東北屈流八里左有黃泥溝水東少南流八里來注又東少北流四里至磬口市右有大木廠河源出縣北四十五里之磨磚寺西北流八里左有小羊子山水北流七里來會又西北流三里半至馬驚洞西有羊子山水北少東流十里入焉又北少西流五里左逕泰山鋪又西北流四里爲太平川又北少西流二里右有孔家溝水西流十里左合五穀廟水又西少南流六里左合百福水折而南流二里又西屈流八里來注又北流一里逕大木廠巡檢署又北少西流十一里右有板橋鋪水自鄖縣西流入境西少南流五里又西少北流六里折而南少西十里又西少北流五里來入又北少西流五里至磬口市注堵水堵水又北少東流三里半有安

陽溝水西流十里來注又北流二里左有磚峪河水源自縣西北鄖縣竹山縣交界之滄浪山右逕縣境東少南流六里又東曲折流二十里來注堵水又北流入鄖縣界

一曰苦水河一曰溫水河苦水河源出縣南六十里之紅花梁東少南流六里南流四里又南少東流四里右有黃龍堰水東少北流四里又東流三里來會苦水河又東流五里右逕秋木園塘有大礮屋水北流五里又東北流六里北少西流五里來會苦水河又東流三里左有五塘口水源出縣南四十里之三座菴南流四里右逕五塘口又南少東流八里左逕螺絲洞又南屈流八里東少南流三里又南流五里來入苦水河又東流三里南少東流三里左逕麥莊坪又南少

東流五里東流二里右逕舉廠又東南屈流十三里左有鷄子河水源出縣南四十五里之東蒿坪西少南流四里南少東流六里又南流四里右逕白玉洞又西流三里南少東流十里左逕母豬峽又南流八里來入苦水河又南少東流十二里至兩河口右有盤水河源自縣南百里之觀溝東少北流八里爲流下水又東流四里北流四里逕桂竹園北又東少北流十五里右逕盤水河市又東少南流六里東北流二里逕松香坪南又東流五里逕青羊山北曰青羊河又東少南流六里至兩河口來入苦水河又東南流五里左逕博磨坪與溫水河會溫水河源出縣南少西百二十里之牛碌埡東北流五里又東流四里右逕白杉園左逕濫泥湖有小水南少西流十里來注溫水河又東流四里東南流三里又東

流四里左有魏家溝水源出縣南少西百里之硃砂畧東少南流三里南流八里又西南流四里南少東流五里來入溫水河又東流三里南少東流四里又東流二里東北屈流十二里東少南流三里東少北流六里左逕閃門砦右有襄潮河水東少北流五里又北少東流十二里來注溫水河又東少北流四里有橋曰高橋河又東流二里左逕道士埡又東少南流四里東北流六里折而東流六里爲廟兒溝右有宋洛河源出縣南與宜昌府興山縣交界之山北流四里東北流三里又折北流三里又東流二里東少南流二里又北少東流九里爲冠沐河來注溫水河又東少北流三里東北流四里東少北流四里右逕陽日灣市與苦水河會是爲南河又東少南流三里東少北流四里右有大洛溪出縣南界山

北流六里又東北屈流十里左會出界山之橫溪水又北流八里來入南河又東北流三里右逕唐家山又北少東流四里左岸入保康縣界又東北流二里右有讓峪河水自望夫山西北流六里又北少西流十四里來注南河又東北流二里右岸亦入保康縣界又由保康縣北少東流二十餘里逕受陽坪西左岸仍入縣境又北流三里左有白碧河水自甘霞東南屈流十六里逕獨腳碧東來注南河又東少北流十里有蛇峪河水南少東屈折流十八里來注南河又東北流五里逕臺口市有金蓮寺水自土壩東南流二十里來注南河又東北流十三里左岸仍入保康縣境東北流九里與北門河會北門河有二源一曰西門河一曰長望川西門河源自縣南五十五里之東蒿坪北少西流六里曰橫峪河又北

少東流五里左逕杜家川塘爲杜家用又東流一里北流三里西北流四里北少西流二里逕驥坂坡西左有水東北屈流十八里來會西門河又北流三里左逕挂榜壩又北屈流十里西北流八里至兩河口市左有三教堂水源自縣南五十里之西蒿坪北少東流五里又東北流五里北少西流四里逕三教堂又北流四里逕穿峰壩又西北屈流三里東北曲折流十里來注西門河又北流八里右有大黃溝水北少西流十里來注又北少東三里逕澈海堰東又北流二里逕縣城西又北流二里會長望川長望川卽水經注筑水之源源出縣西北四十里之羊子山南少東流五里爲汪家河又南流十里折而東流三里又南流三里逕化龍壩東又南少西流四里東南屈流八里右有上達河水一源曰東溝南少

東流五里又南流四里逕馬尾塘一源曰西溝東南屈流十一里亦逕馬尾塘二源合而南流四里右逕上達河市爲上達河又南少東流六里逕獅子畧北又東少南流八里來入長望川又東少南流五里右有湯峪河水自房山北少東流十里來注長望川又東少北四里逕軍馬鋪南左有指北河水自小魚南少東流十里又東南屈流十二里來注長望川又東少北流一里半逕下店市南又東流三里右有盤峪河水源出縣南四十里之三座菴北流十里逕銀杏坪西又北少西流五里東少北流八里又西北流二里逕百家坪東又北少東流十里爲盤峪河又北流五里東少北流五里折而北流二里來入長望川又東流五里右有七里河水自臥虎山北少東流十五里來注長望川又東流三里左有唐溪溝

水源出縣北四十里之小羊子山東南屈流十里逕提坪鋪東又南少東流十里逕羊峪鋪爲羊峪河又東少南流三里逕方家畝東又南流十里至劉家畝北右受自漫子山來之高三溪水爲唐溪溝又南流五里來入長望川又東流三里半右與西門河會又東少南逕縣城北爲北門河流四里半至桃園市南有高梔河水源出縣北四十八里之郭家莊南流四里爲莊家河又南少西流五里爲黃泥溝又南流十里逕娘娘廟折而東南流八里至龍坪南左有水南流四里至甲橋又南屈流七里逕馬王廟又南少西屈流十里來會又南流三里逕白濟鋪東又南流五里逕穿山堰西又南少東流七里至兩河口左有西浪水自馬息山西南流十一里逕通省館右合劉家河水又西南流十四里來會又南流五里

逕連三坡西又南流二里半右有白玉溝水南少東流十五里來注又南流三里左有大里溝水西南流二十里來注又南流五里逕桃園市西入北門河北門河又東流二里有包家河水源出縣東北五十五里交均州界之界牌埡西少南流十二里逕王家莊又南流九里西南流八里至東浪汛北左有水自小鶴子埡西流十里來會又西南屈流十五里逕包家河塘爲包家河有鶴子埡水西南流十五里來會又西少南流四里左逕白鶴觀汛又西南流六里逕土地嶺東左有釣魚河水自米花山西南屈流二十四里來注又西南流六里入北門河北門河又東南流三里右有湯池水自南壇北少西流十四里來注北門河又東流五里東少南流六里逕馬欄塘北曰馬欄河一統志謂卽筑水者也右有烏峪河

水源出縣南四十里之潮水溝北少東流七里爲上木瓜河又東北屈流二里西北屈流三里爲下木瓜河又北流六里爲烏峪河又東流二里北少東流四里逕錦雞坪西又北少西屈流十三里來注北門河又東少南流二里有樊家河水自鶴子埡南少西流二十四里來注北門河又東流六里半逕梅花山北右有廖家河水源出縣南四十里之大紅袍北少東流八里逕香耳埡西又北少西屈流十五里爲廖家河又東流三里北流二里又西北流三里又北屈流六里來入北門河又東少南流五里逕斛口市塘北左有玉瓶河水西北流十八里來注北門河又東南流六里有七里溝水西南流十里來入北門河又東南流十里逕綠漪峽北又東北流十一里逕青峰汛北有劉家河源出縣東北六十五里交均

州界之毛家山南流十里右有鐵峪河水自小鷄子埡東流八里來會又南流五里逕烏牛觀西又南少西流五里西流三里又南流二里東南流十里又南少西流五里有雙坪河水東少南流十三里來注又南流六里與馬家河會馬家河源出縣東北六十八里之東溝南折西流五里又南少東流六里爲龍王溝又南少西流八里右受西溝水又南流四里逕觀音堂爲凍峪河又南流六里逕大廟潭左受萬峪河水又南流六里西少南流八里與劉家河合二水旣會又西南流四里南流六里又南少東流五里逕青峰汛入北門河北門河又東南屈流十里逕玉提店西又南流五里右岸入保康縣界又南流十二里至榔口市有榔峪河源出樹桐溝南少西流十五里又西流三里南流十里左受出十盤山之小

水又南流三里左逕榔峪河塘又南流十里西少南流十二里至榔口市來入北門河又南流六里西少南流三里又東南流六里逕珠藏洞左岸亦入保康縣界又東南流二十五里會於南河二河旣會仍名南河以下詳保康篇

九道梁水有二源西源出縣西南二百九十八里與巫山縣巴東縣交界之烏雲頂北少東流十二里左逕九湖又東北流十里逕東溪山又北流十里又北少東流十三里右有東溝水自朱紅坪北少西流三十二里來會又北流五里逕洛陽山東爲洛陽河又東北流五里至老渡口與東源會東源出縣西南二百七十里與興山縣巴東縣交界之天池埡西北屈流二十里爲上陰峪河又北流五里至板倉坪南右有水西少南流十五里來會又西少北流十里爲下陰峪河又

北少西流八里西流六里又北流入里至老渡口與西源合而西北流十二里又東北流十里右有馬鞍頭水源出縣西南一百二十里之沙子嶺西少北流四里西流五里西北流八里逕馬鞍頭北又西南流四里西流五里來注九道梁水又北流三里逕九道梁巡檢署西又北流十里東北流六里右有官坪水西流入里北少西流十里來注又北少東流七里有余家溝水西少北流十八里來注又北流二里半左岸入竹山縣界合洪坪河水又北少東流五里有筲箕溝水西少北流八里又北流六里西流入里來注又北少西流六里右岸亦入竹山縣界爲官渡河卽水經注所言堵水之源也大平河源出灣腰樹塘在縣南九十里南流六里爲木堙河又西南流十里至舉人坪北左有硃砂碧水西少北流十里

來會爲三道溝又西流八里爲石板溪又西北流四里有學堂溝水北流四里又東北流五里又北流十二里來注又西北流四里折而東北流五里又西北流二十里折而東流二里北流四里逕龍頭砦東又西北屈流三里右有白虎溝水源出二黃坪西北流六里逕一碗泉又西流五里北少東流三里又西流三里又北少西流八里又西流六里來入大平河又西少北流三里北流五里右有湖溪水西北流入里又西流十里來注又西北屈流六里入竹山縣曰平口河注官渡河

鐵峪河出縣西南八十五里之三岔北流四里西北流五里逕金竹園北又北少東流五里又西少北四里北流六里右逕咸池又西北流五里至石店又西北流三里有橫峪河

水北少東流二十里來注又西北流六里又西少北流八里至麥浪坪入竹山縣界注於官渡河

獐洛河源出縣西南八十里之紫竹北少東流七里又西北流三里逕毛莊頭西又東北流八里逕官封口東又西北流十里左逕上龕汛又西北流三里有清溪溝水東北屈流十五里烏稍尾水東少北流十二里合而東北流六里逕范家埡市來注又北少東流二里西少北流十里北流五里右逕倉坪市有五臺溝西北屈流十二里來注又西流六里北流二里東北流五里西北流五里逕三佛廟東又北少西流三里右有五池水源自紅花朵西北流六里西少南流三里又西北流三里又北少東流六里西流五里逕白玉坪北又西少北流三里逕丁家坡南又西流四里來入獐洛河又北少

注堵水

又北少東流一里西少北流十里北流五里

秦口河有三源中源自馬家灣北少西流四里又北少東流十四里右有東源黃柏溝水北少東流四里又北少西屈流十六里來會左有西源過風樓水東少北流十一里逕仙家坪又東流三里來會三源既會又北流五里逕獐子山西爲場又河又西北流七里北流五里右有葉家河水西北流四里右逕葉家河塘又北流六里又西流五里來注又西北流

二里逕蒙古寺南又北流三里西流二里左有東河水源出縣西四十五里之黃龍山北流三里屈東流二里折北流十六里來入秦口河又北流四里西流四里又西北流三里左逕計峪河塘有扁擔溝水源自黃龍山北流六里北少東流五里又北少西流五里又北少東流六里逕計峪河塘來入秦口河又北少西流六里逕秦口市北左有高唐河北流十五里來注又西北流一里左逕竹山縣界右有長峪河自九峰山西南流四里右合火扒溝水西流六里來注又西北流半里入竹山縣界至霍山西爲霍河注堵水

梁家河源出縣北一百六十里與鄖縣均州交界之賽武嵩山南流十餘里入境又南流八里右有解家河東少北流十二里來注爲兩河口又南少東流五里右逕馬鞍山又西流三里南流四里逕梁家河汎右有白廟溝東北屈流十里注之又東流十里爲店子河又北流五里東少北流三里入襄陽府均州界爲會水

光緒湖北輿地記二十三

望

入渡河一名八道河源出縣東六十五里與保康縣穀城縣交界之會香觀山東北流五里爲香爐溝又東流四里北少東流八里北少西流六里左逕八道河塘右有水東南流五里折東流八里來注又北少東流十里右逕余家河汎有存峪河自小林壩東南流八里又東北流二里屈而南流三里又折而東流四里來注又東流三里爲張家河又北少東流四里左逕沙河店又東北流五里逕萬家店子又東流三里逕百步梯北入襄陽府穀城界曰北河

縣有市店三十鄉四保二百九十

斛口市在縣東六十里青峰市在縣東九十里玉提店在縣東一百里榔口市在縣東一百二十里沙河店在縣東北二百一十里觀音堂市在縣東北一百八十里臺口市在縣東南九十里冷盤堙市在縣西南二百一十里下店市在縣西二十八里上達河市在縣西五十里倉坪市在縣西八十里秦口市在縣西一百二十里獐洛河市在縣西一百八十里范家堙市在縣西一百九十里寶石店在縣西二百二十里九道梁市在縣西南三百六十里羊子鋪市在縣西北八十里大木廠市在縣西北一百四十里磬口市在縣西北一百八十里化口市在縣西北一百八十里姚坪市在縣西北一百八十里兩河口市在縣南二十里木瓜河市在縣南五十里上龕市在縣南一百八十里盤水河市在縣南一百八十里陽日灣市在縣南一百八十里桃園市在縣北十里通省館在縣北七十里龍坪市在縣北八十里梁家河市在縣北一百五十里

鄉在城東者曰東鄉在城西者曰西鄉在城南者曰南鄉在城北者曰北鄉

東鄉有保三十三曰馬欄保曰斛口保曰青峰保曰上臺口保曰中臺口保曰南河保曰樊家河保曰峪坪河保曰泗河保曰玉提店保曰劉家河保曰馬家河保曰榔峪河保曰雷家山保曰老鴉峪保曰八道河保曰余家河保曰香爐溝保曰易家河保曰高尖山保曰龍駒溝保曰栗子坪保曰黃柏溝保曰小梁堙保曰上萬峪河保曰下萬峪河保曰雙瓶河保曰中堰河保曰上烏牛觀保曰下烏牛觀保曰龍王溝保曰大西溝保曰東

峪河保西鄉有保一百二十六曰耕麥堰保曰泉水灣保曰塘溪溝保曰羊峪口保曰下毛坪保曰堤坪鋪保曰易溝保曰下店保曰軍馬鋪保曰指北保曰盤峪河保曰湯峪河保曰高土坪保曰黃龍堰保曰上達河保曰葉家河保曰門古寺保曰獅子保曰東河保曰馬料溝保曰黃龍山保曰馬尾保曰三教堂保曰陳家保曰得勝坡保曰東溝保曰西溝保曰金家河保曰黃金寺保曰汪家河保曰大木埡保曰竹竿碓保曰大平川保曰梅花碓保曰七里匾保曰化口保曰秦口保曰長峪河保曰約池保曰高塘河保曰扁擔溝保曰上巨峪河保曰下巨峪河保曰陸家坪保曰獐洛河保曰下埡保曰丁家坡保曰青羊溝保曰三池保曰團魚河保曰龍駒溝保曰潘姚河保曰寶石店保曰麥浪坪保曰橫峪河保曰褚河保曰咸池保曰瓦房坪保

曰新營保曰油榨河保曰興旺坪保曰仙家坪保曰回子營保曰鄧川峪保曰黃柏溝保曰馬家溝保曰白峪坪保曰伍池保曰黑溝保曰五塘口保曰紅花朶保曰秋木園保曰上龕保曰官封口保曰喬家山保曰東方嶺保曰紫竹保曰硃砂畧保曰大石坡保曰灣腰樹保曰三道溝保曰舉人坪保曰青峰溝保曰沐耳河保曰一碗泉保曰荆竹園保曰伍臺口保曰倉坪保曰三佛廟保曰干河埡保曰大黃龍山保曰大平河保曰朱家溝保曰白虎溝保曰龍頭砦保曰學堂溝保曰貓子埡保曰湖溪保曰九道梁保曰板峪溝保曰步峪溝保曰南溪溝保曰水田坪保曰辭家坪保曰筆架溝保曰桃李坪保曰興旺坪保曰宋峪溝保曰草池溝保曰官坪保曰連戶坪保曰議渡坪保曰板倉坪保曰上陰峪河保曰下陰峪河保曰硖石坪保曰瓦房

坪保曰熊家坪保曰黃糧坪保曰倒河塘保曰石板溪保曰洛陽河保曰阮溪保曰大九湖保曰小九湖保曰平阡保南鄉有保七十三曰沿觀保曰南壇保曰烏峪河保曰白土堰保曰三海堰保曰兩河口保曰穆家溝保曰西蒿坪保曰快發坪保曰老掘溝保曰木瓜河保曰潮水溝保曰七里保曰甘霞保曰獨腳砦保曰駝峪河保曰安陽坪保曰毛家河保曰白礬保曰清溪溝保曰杜家川保曰鷓子河保曰東蒿坪保曰陽日灣保曰排岔保曰唐家山保曰大洛溪保曰下苦水河保曰上苦水河保曰三塘峪保曰白峪砦保曰白蓮保曰兩河口保曰麻灣保曰冷盤壩保曰王家灣保曰麻坡保曰上老營保曰下老營保曰松香坪保曰青羊山保曰青羊河保曰盤水河保曰白衣菴保曰舉廠保曰袁杜坪保曰八卦廟保曰古廟壩保曰桂竹園

曰焦園保曰郭家莊保曰五穀廟保曰泰山保曰得勝保曰羊子鋪保曰大木廠保曰上河南保曰上白福保曰下白福保曰軍地河保曰清吉保曰磬口保曰馬蹏保曰清順保曰安陽溝保曰板橋鋪保曰高贊川保曰磚峪河保曰白石灘保曰黃玉河保曰金家溝保曰姚坪保曰大平保

青峰汎在縣東九十里余家河汎在縣東二百里麻灣汎在縣南一百二十里冷盤堙汎在縣東南二百一十里獐洛河汎在縣西南一百八十里上龕汎在縣西南一百八十里九道梁汎在縣西南三百六十里茅坪汎在縣西南三百八十里方家畝汎在縣西北三十里大木廠汎在縣西北一百五十里梁家河汎在縣北一百二十里白鶴觀汎在縣東北二十里東浪汎在縣北七十里

光緒湖北輿地記二十三

壘

東路三鋪曰馬欄鋪曰斛口鋪曰青峰塘鋪凡九十五里達保

康縣界

西路三鋪曰軍馬鋪曰文昌鋪曰陳家鋪凡一百里達竹山縣

界

西北七鋪曰羊峪鋪曰提平鋪曰羊子鋪曰泰山鋪曰牛心鋪

曰板橋鋪曰桃林鋪凡二百一十里達鄖縣界

職官

知縣 一教諭 巡檢二員 一駐九道梁一原駐 典史 遊擊

守備二員 駐上龕 一千總三員 一駐城一駐冷盤 把總四員 駐

青峰一駐方家畝 外委六員 一駐城一駐梁家河一駐上 額

外外委六員 一駐白鶴觀一駐九道梁一駐麻灣一駐茅坪



